

Na osnovu člana 31. Statuta „Asocijacije izvođača i svirača (AIS)“, Upravni odbor Asocijacije izvođača i svirača (AIS), na 12. sjednici održanoj dana 16.12.2021. godine, donosi:

## **PRAVILNIK O NABAVKAMA**

### **Član 1.**

Ovim Pravilnikom uređuju se procedure donošenja Plana nabavki, procedure vođenja postupaka nabavke i ovlaštenja i odgovornosti u postupcima nabavke roba i usluga.

### **Član 2.**

AIS je dužan u roku od 30 dana od dana usvajanja Finansijskog plana donijeti Plan nabavki za kalendarsku godinu na koju se Finansijski plan odnosi.

Ukoliko do pokretanja konkretnog postupka nabavke, iz objektivnih razloga, nije došlo do usvajanja Finansijskog plana ili Plana nabavki, ili se nakon usvajanja Plana nabavki ukaže potreba za vanplanskom nabavkom, AIS je dužan u tom slučaju donijeti posebnu odluku o pokretanju postupka nabavke.

U slučaju iz prethodnog stava posebnu odluku donosi Upravni odbor AIS-a.

### **Član 3.**

Prijedlog Plana nabavki, na osnovu prijedloga Finansijskog plana za tekuću godinu priprema Stručna služba AIS-a, te isti nakon usvajanja Finansijskog plana dostavlja Upravnom odboru AIS-a na usvajanje.

### **Član 4.**

Plan nabavki obavezno sadrži sljedeće podatke:

- predmet nabavke,
- procijenjenu vrijednost nabavke bez PDV-a,
- vrstu postupka nabavke,
- oznaku da se za određeni predmet nabavke ne provodi postupak nabavke predviđen ovim Pravilnikom,
- okvirni datum pokretanja postupka nabavke,
- okvirni datum zaključenja ugovora,
- izvor finansiranja i
- napomene o eventualnim korekcijama, dopunama plana i osnovama.

### **Član 5.**

Postupak nabavke za direktni sporazum čija je pojedinačna vrijednost ispod 6.000,00 KM bez PDV-a i za konkurentski zahtjev započinje podnošenjem pisanog Zahtjeva za pokretanje

postupka nabavke roba ili usluga (u daljem tekstu: „**Zahtjev**“). Zahtjev treba biti zasnovan na usvojenom Planu nabavki.

Zahtjev priprema Stručna služba AIS-a.

Direktor Stručne službe AIS-a za nabavku direktnim sporazumom podnosi zahtjev putem e-mail-a na odobrenje Predsjedniku udruženja a za nabavku na osnovu konkurentskog zahtjeva podnosi zahtjev na odobrenje Upravnom odboru.

Nakon odobrenja procesa nabavke od strane Predsjednika udruženja ili Upravnog odbora, Zahtjev se dostavlja Stručnoj službi AIS-a na realizaciju nabavke u roku od 30 (trideset) dana od datuma potpisa.

Zahtjev mora biti jasno definisan u pogledu predmeta nabavke i minimalno sadržavati sljedeće elemente:

- kratak opis nabavke sa preciznim određenjem vrste i količine nabavke (roba ili usluga) i poziciju iz Plana nabavki,
- vrstu postupka nabavki,
- ukupnu procijenjenu vrijednost nabavke bez PDV-a,
- vrijeme trajanja ugovora odnosno roka izvršenja ugovora,
- tehničku specifikaciju, opis usluga, projektni zadatak u zavisnosti od predmeta nabavke.

#### **Član 6.**

Nakon odobrenja Predsjednika udruženja ili Upravnog odbora AIS-a, Stručna služba AIS-a je dužna u roku od 3 (tri) dana izraditi odluku o pokretanju postupka koju potpisuje direktor Stručne službe AIS-a.

Nakon kompletiranja uvjeta, Stručna služba AIS-a ponovo dostavlja na odobrenje Predsjedniku udruženja odnosno Upravnom odboru odluku o pokretanju postupka.

#### **Član 7.**

Odluka kojom se pokreće odnosno odobrava postupak nabavke mora da sadrži:

- 1) osnov za provođenje postupka nabavke,
- 2) predmet nabavke,
- 3) procijenjenu vrijednost nabavke,
- 4) podatke o izvoru-načinu finansiranja i
- 5) vrstu postupka nabavke.

#### **Član 8.**

Operativni poslovi na provođenju postupka nabavke realizuju se u okviru Stručne službe AIS-a.

#### **Član 9.**

Nabavke se vrše prema procijenjenoj vrijednosti. Vrijednost ugovora o nabavci je ukupna procijenjena vrijednost bez uključenog iznosa pripadajućih indirektnih poreza koje plaća AIS.

Nabavka roba ili usluga vrši se na jedan od sljedećih postupaka, u zavisnosti od vrijednosnog razreda:

- direktni sporazum i
- konkurentski zahtjev za dostavljanje ponuda.

#### **Član 10.**

Ugovor o nabavci roba ili usluga čija je pojedinačna vrijednost jednaka ili niža od 6.000,00 KM bez PDV-a, dodjeljuju se putem direktnog sporazuma.

Direktni sporazum je postupak u kojem AIS, nakon ispitivanja tržišta, traži pismeno prijedlog cijene ili ponudu od jednog ili više ponuđača i pregovara ili prihvata tu cijenu, kao uslov za konačni sporazum.

#### **Član 11.**

Ugovor o nabavci roba ili usluga čija je vrijednost veća od 6.000,00 KM bez PDV-a, dodjeljuju se putem konkurentnog zahtjeva za dostavljanje ponuda. Dodjela ugovora u postupku konkurentskog zahtjeva za dostavu ponuda zasniva se na kriteriju najniže cijene tehnički zadovoljavajuće ponude.

Konkurentski zahtjev za dostavu ponuda je postupak u kojem AIS upućuje zahtjev za dostavu ponuda za nabavku roba ili usluga određenom broju ponuđača, pri čemu taj broj ne može biti manji od 3 (tri). Svaki ponuđač može ponuditi samo jednu cijenu, i to ukupnu cijenu, koju ne može mijenjati nakon isteka roka za dostavu ponuda. AIS ne može pregovarati o ponudi, kao ni o cijeni. Kada AIS primi jednu prihvatljivu ponudu, dodjeljuje ugovor tom ponuđaču, u roku od 5 (pet) dana od dana dostave Odluke o dodjeli ugovora najuspješnijem ponuđaču.

#### **Član 12.**

Nabavke direktnim sporazumom mogu se vršiti prihvatanjem računa ili drugog osnova za plaćanje, za nabavke čija vrijednost iznosi do 6.000,00 KM bez PDV-a, kada se direktni sporazum smatra zaključenim uz prilaganje otpremnice ili fakture-otpremnice za izvršene usluge odnosno isporučenu robu.

Nabavke konkurentskim zahtjevom za dostavljanje ponuda za nabavke čija je pojedinačna vrijednost veća od 6.000,00 KM bez PDV-a, će se realizovati na način da se zaključi poseban ugovor u pisanoj formi.

#### **Član 13.**

Odluku o dodjeli ugovora u postupku nabavke, donosi direktor Stručne službe AIS-a. Na odluku o dodjeli ugovora u postupku nabavki može se uložiti prigovor Upravnom odboru AIS-a.

Realizaciju ugovora prati Stručna služba AIS-a.

#### **Član 14.**

Ugovor o nabavci zaključuje se sa ponuđačem čija je ponuda ocijenjena kao najpovoljnija, u roku od 5 (pet) dana od dana dostave Odluke o dodjeli ugovora najuspješnijem ponuđaču.

Ugovor se zaključuje u najmanje 4 (četiri) primjerka, od kojih po 2 (dva) za svaku ugovornu stranu.

#### Član 15.

Nabavka vode, električne energije, plina, toplotne energije i drugih usluga, do otvaranja relevantnog tržišta za konkurenciju, vrši se prihvatanjem ugovora koji ponudi ponuđač.

#### Član 16.

Ovaj Pravilnik stupa na snagu danom donošenja a biće podnesen na odobrenje Skupštini AIS-a.

Broj: UO P22-05/21

Sarajevo, 16.12.2021. godine



Potpredsjednik Upravnog odbora

Slaviša Guja